

INFORMACIJA
o kretanju makroekonomskih pokazatelja
za januar/siječanj - maj/svibanj 2025. godine

Sadržaj

Uvod.....	3
1. Realni sektor.....	6
<i>Kretanje industrijske proizvodnje.....</i>	6
<i>Maloprodaja.....</i>	8
<i>Transport</i>	9
<i>Tržište rada.....</i>	10
2. Javne finansije.....	12
<i>Indirektni porezi.....</i>	13
<i>Direktni porezi, doprinosi i neporeski prihodi</i>	14
3. Cijene, monetarni i finansijski sektor.....	16
<i>Cijene.....</i>	16
<i>Monetarni sektor.....</i>	17
<i>Bankarski sektor.....</i>	18
<i>Berze u Bosni i Hercegovini.....</i>	18
4. Vanjski sektor.....	19
<i>Platni bilans.....</i>	19
<i>Vanjskotrgovinska robna razmjena.....</i>	20
5. Strana direktna ulaganja.....	23

Uvod

Vijeće ministara Bosne i Hercegovine je na 79. sjednici održanoj 05.03.2009. godine razmotrilo i usvojilo Prijedlog mjera iz nadležnosti Vijeća ministara Bosne i Hercegovine za ublažavanje uticaja globalne ekonomske krize na privredu Bosne i Hercegovine. Direkcija za ekonomsko planiranje je zadužena da u vezi sa navedenim prati kretanje makroekonomskih pokazatelja i da „Informaciju“ o kretanju mjesečno dostavlja Vijeću ministara.

Direkcija je zadužena da „Informaciju“ dostavlja mjesečno Parlamentarnoj skupštini Bosne i Hercegovine u svrhu praćenja uticaja svjetske ekonomske krize na ekonomiju Bosne i Hercegovine.


„Informacija“ obuhvata kretanje glavnih makroekonomskih pokazatelja u Bosni i Hercegovini za navedeni period. Detaljna pojašnjenja svih oblasti koje su obuhvaćene u ovom dokumentu se mogu naći u Ekonomskim trendovima Bosne i Hercegovine koje publikuje Direkcija, kvartalno - četiri puta godišnje, te redovno dostavlja Vijeću ministara i Parlamentu Bosne i Hercegovine.

* * *

U ovom dokumentu biće prikazani podaci za nivo Bosne i Hercegovine i entitetske nivoe, gdje je to moguće. Prikazani podaci za nivo Bosne i Hercegovine ne predstavljaju prosti zbir/prosjek podataka entiteta za svaki od sektora.

Trenutno raspoloživi statistički podaci za 2025. godinu ukazuju da je u Bosni i Hercegovini nastavljen trend rasta ekonomske aktivnosti iz prethodne godine. Naime, prema podacima BHAS-a za 2025. godinu u Bosni i Hercegovini nastavljen je trend rasta BDP, zaposlenosti, vanjskotrgovinske robne razmjene, javnih prihoda ali i inflacije u odnosu na prethodnu godinu. Kada je u pitanju BDP, prema trenutno raspoloživim podacima (statistika nacionalnih računa, rashodovni pristup) BHAS-a za K1 2025. godine procjenjuje se da je stopa realnog ekonomskog rasta u odnosu na isti period prethodne godine iznosila 1,7%, dok je rast u odnosu na prethodni kvartal iznosio 0,6%.¹ Ako se pažljivije posmatra struktura ekonomskog rasta u K1 2025. godine može se zaključiti da je domaća tražnja kroz povećanje potrošnje i investicija predstavljala glavni oslonac rasta, dok je doprinos trgovinskog bilansa bio blago negativan. Pregled strukture ekonomskog rasta u Bosni i Hercegovini u K1 2025. godine po komponentama rasta prikazan je na grafikonu ispod.


Grafikon 1: Struktura ekonomskog rasta u Bosni i Hercegovini u K1 2025. godini po komponentama



¹ Agencija za statistiku Bosne i Hercegovine, Saopštenje, „Bruto domaći proizvod, rashodni pristup, tromjesečni podaci za K1 2025. godinu“, 30.06.2025. godine.

Rast domaće tražnje kroz povećanje finalne potrošnje (privatna + javna) i rast investicionih ulaganja u K1 2025. godine su omogućili nastavak trenda rasta BDP-a u Bosni i Hercegovini od 1,7% u odnosu na prethodnu godinu. Trenutno raspoloživi zvanični statistički podaci na tržištu rada ukazuju da je tokom ovog posmatranog perioda došlo do povećanja broja zaposlenih lica od oko 1%, realnog rasta plata od skoro 10%, što je uz porast priliva doznaka građana iz inostranstva od oko 5% i rasta kredita u sektoru stanovništva od oko 10% i dovelo do povećanja privatne potrošnje od 1,7%. S druge strane, vrijedi istaći da je inflacija u Bosni i Hercegovini u periodu K1 2025. godine mjerena indeksom potrošačkih cijena iznosila oko 3,4% što je nešto više u odnosu na prethodnu godinu. Pored privatne potrošnje, u K1 2025. godine došlo je i do povećanja javne potrošnje od 1,6% usljed povećanja minimalne plate kako u privatnom tako i u javnom sektoru na različitim nivoima u Bosni i Hercegovini. Ako se ima u vidu zastupljenost ukupne finalne potrošnje u strukturi BDP-a od oko 2/3 i njen doprinos u ekonomskom rastu u K1 2025. godine od 1,6 p.p. (privatna potrošnja 1,3 p.p. i javna potrošnja 0,3 p.p.) može se zaključiti da je ista predstavljala ključni oslonac ekonomskog rasta u Bosni i Hercegovini. S druge strane, raspoloživi statistički podaci BHAS-a ukazuju da je u K1 2025. godine došlo do povećanja bruto investicija od 5,5% u odnosu na isti period prethodne godine uz pozitivan doprinos ekonomskom rastu od oko 1,0 p.p. Međutim, prilikom interpretacije doprinosa investicija u strukturi ekonomskog rasta u Bosni i Hercegovini potreban je određen nivo opreznosti obzirom da se statistički posmatrano² u okviru investicija nalaze i zalihe. S druge strane, određeni pokazatelji iz vanjskog okruženja kao i preliminarni podaci o vanjskotrgovinskoj robnoj razmjeni u Bosni i Hercegovini su nešto povoljniji u odnosu na prethodnu godinu. Poboljšanje ovih makroekonomskih indikatora u K1 2025. godine moglo bi ukazivati na nešto bolji doprinos vanjskog sektora u strukturi ekonomskog rasta u Bosni i Hercegovini u 2025. godini. Naime, prema podacima Eurostat-a preliminarna stopa rasta BDP-a u zemlja EU iznosila je 1,4%, što se odrazilo na izvoznju tražnju za bh. izvoznim proizvodima. Grafički prikaz kretanja ekonomskog rasta u K1 2025. godine po glavnim trgovinskim partnerima prikazan je na grafikonu ispod:

Grafikon 2: Ekonomski rast po zemljama (stopa rasta K1 2025/K1 2024)



Izvor: Eurostat

² Pogledati saopštenje BHAS, statistika nacionalnih računa za K1 2025. godine
https://bhas.gov.ba/data/Publikacije/Saopstenja/2025/NAC_04_2025_Q1_0_BS.pdf

Pregled makroekonomskih indikatora u 2024. i 2025. godini po mjesecima

		2024.	2025.				
Naziv indikatora	Mjerna jedinica		I	II	III	IV	V
1. Realni sektor							
*BDP	stopa rasta g/g u %	2,5	N/A	N/A	1,7	N/A	N/A
** Populacija	u milionima	N/A	N/A	N/A	N/A	N/A	N/A
*BDP/per capita	u KM	N/A	N/A	N/A	N/A	N/A	N/A
Fizički obim indust. proizvodnje	stopa rasta g/g u %	-4,2	-0,8	-6,1	-0,6	-0,1	-0,8
Prerađivačka industrija	stopa rasta g/g u %	-4,4	0,6	-8,2	-3,7	-1,1	2,2
Građevinarstvo	stopa rasta g/g u %	2,8	N/A	N/A	0,4	N/A	N/A
Maloprodaja	stopa rasta g/g u %	6,4	-1,3	-4,4	-2,9	-1,4	1,1
Turizam	stopa rasta g/g u %	10,3	8,5	3,9	-5,8	9,2	N/A
2. Tržište rada							
Zaposlenost	u hiljadama	855,8	860,0	857,7	854,8	857,1	N/A
Rast zaposlenosti	stopa rasta g/g u %	0,7	1,2	0,8	0,5	-0,1	N/A
Nezaposlenost	u hiljadama	328,6	323,6	324,3	324,2	320,0	315,5
Rast nezaposlenosti	stopa rasta g/g u %	-5,8	-5,0	-4,2	-3,3	-3,0	-2,8
Prosječna neto plata	u KM	1.381	1.508	1.506	1.534	1.545	N/A
Nominalni rast prosječne neto plate	stopa rasta g/g u %	9,4	13,5	12,6	13,4	12,4	N/A
3. Vanjski sektor							
Izvoz roba	stopa rasta g/g u %	-3,7	5,1	8,1	8,2	1,0	9,9
Uvoz roba	stopa rasta g/g u %	3,2	9,9	3,6	4,0	2,8	4,2
Trgovinski bilans	stopa rasta g/g u %	13,7	17,6	-2,2	-0,7	5,5	-2,9
*Bilans tekućeg računa	udio % BDP	-4,0	N/A	N/A	-8,7	N/A	N/A
*Direktna strana ulaganja	udio % BDP	3,8	N/A	N/A	3,5	N/A	N/A
Devizne rezerve (kraj perioda)	u mlrd. KM	17,6	17,3	17,0	16,9	17,1	16,9
4. Monetarni agregati i cijene							
Inflacija, CPI	stopa rasta g/g u %	1,7	3,3	3,5	3,2	3,4	3,7
Hrana	stopa rasta g/g u %	1,6	5,2	5,7	6,3	7,2	8,0
Goriva i maziva	stopa rasta g/g u %	-3,8	-3,6	-4,2	-8,4	-12,7	-13,7
Proizvođačke cijene (kraj perioda)	stopa rasta g/g u %	2,7	3,3	4,1	3,1	2,9	2,6
M2 (kraj perioda)	stopa rasta g/g u %	9,3	8,9	8,4	7,5	7,8	8,1
5. Bankarski sektor							
Ukupni krediti (kraj perioda)	stopa rasta g/g u %	9,8	9,8	10,1	10,0	10,2	10,2
Ukupni depoziti (kraj perioda)	stopa rasta g/g u %	8,8	8,4	7,8	6,3	7,2	7,6
6. Javne finansije							
Ukupni javni prihodi (porezi, doprinosi, dr.)	stopa rasta g/g u %	9,4	2,6	8,6	9,0	6,9	9,9
Direktni porezi	stopa rasta g/g u %	13,7	1,1	11,9	-0,2	8,3	7,7
Socijalni doprinosi	stopa rasta g/g u %	10,2	8,2	14,6	15,9	11,7	14,3
Bruto prihodi od indirektnih poreza	stopa rasta g/g u %	8,5	1,2	3,7	8,8	2,6	7,7
Neto prihodi od indirektnih poreza	stopa rasta g/g u %	11,8	-0,3	-0,3	16,1	-0,5	9,0
Neto prihodi od PDV	stopa rasta g/g u %	11,5	0,9	-0,3	18,3	-2,6	9,1
*Javni dug sektora vlade	udio u % BDP	26,8	N/A	N/A	24,1	N/A	N/A

1. U tabeli su prikazani zvanični podaci Agencije za statistiku Bosne i Hercegovine i administrativni podaci određenih institucija u Bosni i Hercegovini.
2. Prikazane stope rasta po mjesecima predstavljaju kretanje pokazatelja u navedenom mjesecu u odnosu na isti mjesec prethodne godine.
3. * označava pokazatelje koji su dostupni samo nivou kvartalnih vremenskih serija (mart- K1), (juni- K2), (septembar- K3) i (decembar-K4).
4. ** Posljednji raspoloživi podatak je procjena za 2023. godinu (3,422 miliona). Izvor: BHAS, Demografija 2023.

1. Realni sektor

Kretanje industrijske proizvodnje

Trend kretanja fizičkog obima industrijske proizvodnje u Bosni i Hercegovini pored proizvodnih procesa u zemlji, u velikoj mjeri je određen ekonomskim kretanjima u glavnim trgovinskim partnerima odnosno izvoznom tražnjom. Obzirom da je u posljednje vrijeme ekonomska aktivnost u zemljama EU bila prilično stagnantna to se odrazilo i na trend kretanja fizičkog obima industrijske proizvodnje u zemlji. Naime, Bosna i Hercegovina već duži vremenski period bilježi trend usporavanja fizičkog obima industrijske proizvodnje. U skladu sa ovim vanjskim kretanjima Bosna i Hercegovina bilježi niži nivo fizičkog obima industrijske proizvodnje, ovo se naročito odnosi na prerađivačku industriju. Naime, trenutno raspoloživi statistički podaci za 2025. godinu ukazuju da je negativan trend u okviru industrijske proizvodnje u Bosni i Hercegovini nastavljen.

Tako je prema podacima BHAS-a za period januar-maj 2025. godine u Bosni i Hercegovini registriran pad fizičkog obima industrijske proizvodnje od 1,7% u odnosu na isti period prethodne godine.³ S druge strane, ako se posmatra na mjesečnom nivou može se konstatovati da je proizvodnja u maju 2025. godine u odnosu na isti mjesec prethodne godine smanjena za 0,8%. Tabelarni prikaz kretanja fizičkog obima industrijske proizvodnje u Bosni i Hercegovini po entitetima za period januar-maj 2025. godine prikazan je ispod.

Tabela 1: Kretanje fizičkog obima industrijske proizvodnje u periodu januar-maj 2025. godine, po entitetima (stopa rasta u %, g/g)

2025	Federacija Bosne i Hercegovina	Republika Srpska
maj	3,9%	-12,5%
januar-maj	-	-5,0%


Izvor: Federalni zavod za statistiku Federacije Bosne i Hercegovine i Republički zavod za statistiku Republike Srpske

S druge strane, sektorski posmatrano prema podacima BHAS-a za period januar-maj 2025. godine pad obima proizvodnje u rudarstvu iznosio 3,2%, prerađivačkoj industriji 2,1%, dok je u okviru sektora za proizvodnju električne energije zabilježeno povećanje proizvodnje od 1,4%.

Pregled strukture fizičkog obima industrijske proizvodnje po sektorima prikazan je na grafikonu ispod.

³ Agencija za statistiku Bosne i Hercegovine, Saopštenje, „Indeks obima industrijske proizvodnje u Bosni i Hercegovini za maj 2025. godine-prethodni podaci“, 26.06.2025. godine.


Grafikon 3: Kretanje fizičkog obima industrijske proizvodnje u Bosni i Hercegovini, januar-maj 2025. godini po sektorima (rast g/g)



Izvor: BHAS

Na osnovu ovih pokazatelja može se zaključiti da je pad proizvodnje u okviru prerađivačke industrije koja čini 3/4 ukupne industrije i ima visok stepen izvozne orijentacije, predstavljao jedan od ključnih razloga za pad ukupnog obima industrijske proizvodnje u Bosni i Hercegovini u periodu januar-maj 2025. godine. Kao što je ranije navedeno trendovi kretanja u okviru prerađivačke industrije u Bosni i Hercegovini skoro u potpunosti su determinisani kretanjima iste u glavnim trgovinskim partnerima. S druge strane, posmatrano po granama najznačajnija smanjenja proizvodnje a samim tim i negativan doprinos u okviru ukupne prerađivačke industrije imale su izvozno orijentirane grane proizvodnje. Grafički prikaz kretanja proizvodnje u okviru prerađivačke industrije u Bosni i Hercegovini po granama u periodu januar-maj 2025 godine po granama prikazan je ispod.

Grafikon 4: Prerađivačka industrija po granama januar – maj 2025. godine (stopa rasta g/g)



Izvor: BHAS

Maloprodaja

Prema zvaničnim podacima BHAS-a⁴, za period januar-maj 2025. godine, realni rast prometa u maloprodaji smanjen je za 1,7% g/g (ukupan promet u navedenom periodu iznosio je 6,9 milijardi KM). Trgovina na malo osim trgovine motornim gorivima u specijaliziranim prodavnicama (dalje u tekstu s.p.) u periodu januar-maj 2025. godine je realno niža za 3,2% g/g (promet u navedenom periodu iznosio je 5,66 milijardi KM i manji je za 186 miliona KM u odnosu na isti period prethodne godine) dok je istovremeno trgovina motornim gorivima u s.p. viša za 5,6% g/g (promet je iznosio 1,25 milijardi KM, porast za 66 miliona KM).

Tabela 2: Ukupna maloprodaja po entitetima (stopa rasta u %, g/g)


2025. godina	Republika Srpska	Federacija Bosne i Hercegovine
januar-maj	8,1	0,3
maj	11,0	3,2

Izvor: Republički zavod za statistiku Republike Srpske⁵, Federalni zavod za statistiku Federacije Bosne i Hercegovine⁶

Podaci prikazani u tabeli iznad se razlikuju od podataka BHAS-a zbog korištenja različitih modela koji se koriste za desezoniranje podataka.

Prema zvaničnim podacima, za mjesec maj 2025. godine, realni rast prometa u maloprodaji iznosio je 1,1% (g/g). Trgovina motornim gorivima u s.p. je u mjesecu maju 2025. godine porasla za 6,5% (odnosno za 17 miliona KM) dok je ostatak trgovine na malo (kada se izuzme trgovina motornim gorivima u s.p.) ostao na istom nivou kao i u mjesecu maju 2024. godine.

Grafikon 5: Ukupna trgovina na malo u Bosni i Hercegovini – u mjesecu maju (rast g/g u %)



Izvor: BHAS

Promet u trgovini na malo hranom, pićem i duhanskim proizvodima u nespecijaliziranim prodavnicama (dalje u tekstu n.p.) ostvario je rast od 0,9% (veći je za 3,3 miliona u odnosu na isti mjesec prethodne godine) dok je u istovremeno promet u trgovinama na malo hranom, pićem i duhanskim proizvodima u s.p. niži za 7,9% (odnosno za 2,4 miliona KM).

⁴ Izvor podataka: BHAS, Indeksi prometa trgovine na malo u Bosni i Hercegovini, maj 2025. godine

⁵ Izvor podataka: Republički zavod za statistiku Republike Srpske Trgovina na malo, maj 2025. godine

⁶ Izvor podataka: Federalni zavod za statistiku Federacije Bosne i Hercegovine, Trgovina na malo prvi rezultati za maj/svibanj 2025. godine

U sklopu trgovine na malo neprehrambenim proizvodima skoro sve kategorije su ostvarile negativnu stopu prometa uz izuzetak trgovine na malo ostalom opremom za domaćinstvo u s.p. gdje je zabilježen rast prometa od 14,8% (odnosno za 16 miliona KM).


U okviru trgovine ostalom robom u s.p. najvišu stopu rasta je zabilježila kategorija trgovine na malo namještajem, opremom za rasvjetu i električnim aparatima za domaćinstvo sa povećanjem prometa od 35,8% g/g (odnosno za 12 miliona KM).

U trgovini na malo tekstilom, odjećom, obućom i proizvodima od kože je zabilježeno smanjenje prometa za 1,9% g/g (tačnije iskazano promet je niži za 8 miliona KM u odnosu na isti mjesec prethodne godine). Negativna stopa rasta prometa je registrovana i kod prometa u apotekama, trgovini na malo medicinskim i kozmetičkim preparatima u s.p. te kod trgovine na malo sportskom opremom, igrama i igračkama u s.p.

Transport

Zvanični podaci BHAS-a za cestovni transport ukazuju na nastavak trenda smanjenja transporta roba (koji je započeo u K3 2023. godine i nastavljen je sve do posljednjeg kvartala). Tako je i u K1 2025. godine zabilježena negativna stopa rasta prometa od 5,7% g/g⁷. Broj prevezenih putnika u cestovnom prevozu niži je za 3,8% g/g uz istovremeno smanjenje broja prevezenih putnika u gradsko-prigradskom prevozu za 18,8%. Promet u željezničkom saobraćaju je također u negativnoj zoni, pa je tako promet putnika niži za 26,3% g/g dok je istovremeno opseg prevezeno robe smanjen za 17,2% g/g. Izuzetak u sektoru transporta predstavlja avio saobraćaj gdje je, u K1 2025. godine, došlo do značajnijeg rasta broja prevezenih putnika za 40,3% g/g (broj prevezenih putnika je iznosio 490337 dok je u K1 2024. godine taj broj iznosio 349415).

Grafikon 6: Prevoz robe u Bosni i Hercegovini – u K1 (rast g/g u %)



Izvor: BHAS

Tabela 3: Ukupan transport po entitetima u K1 (stopa rasta u %, g/g)

K1 2025.godine	Republika Srpska	Federacija Bosne i Hercegovine
Cestovni (prevezeno robe)	-8,8	-7,3
Cestovni (prevezeni putnici)	-14,5	-9,0
Gradsko - prigradski prijevoz (prevezeni putnici)	-2,0	-23,7
Željeznički (prevezeno robe)	-15,2	-18,4
Željeznički (prevezeni putnici)	-20,0	-28,2

Izvor: Republički zavod za statistiku Republike Srpske, Federalni zavod za statistiku Federacije Bosne i Hercegovine

⁷ BHAS, Saopćenja cestovni, željeznički i avionski saobraćaj u K1, juni 2025.godine

U okviru djelatnosti prometa transporta i skladištenja u Bosni i Hercegovini, u K1 2025. godine, zabilježen je nominalan rast prometa za 5,2% g/g. U oblasti poštanskih i kurirskih djelatnosti nastavljen je rast, pa je tako ova oblast u i u ovom kvartalu zabilježila povećanje prometa za 12% g/g. Pored navedene kategorije i u oblasti skladištenja i pomoćnih djelatnosti u prevozu zabilježeno je povećanje prometa od 24,8% g/g kao i u oblasti kopnenog prevoza i cjevovodnog transporta gdje je registrovano povećanje prometa od 1% g/g.

Tržište rada

Podatak o broju zaposlenih lica u Bosni i Hercegovini za maj 2025. godine nije objavljen u periodu pripreme Informacije, pa se podaci u tekstu odnose na april 2025. godine.

Od početka 2025. godine primjetno je da stopa rasta broja zaposlenih lica usporava (tabela ispod). U aprilu 2025. godine broj zaposlenih lica je smanjen za 0,1% u odnosu na isti mjesec 2024. godine i iznosio je 857,1⁸ hiljada. Na usporen rast broja zaposlenih lica najviše je uticalo smanjenje broja zaposlenih u djelatnosti prerađivačke industrijske. Uz smanjenje obima proizvodnje u prerađivačkoj industriji (detaljnije u poglavlju industrijske proizvodnje) broj zaposlenih lica u aprilu 2025. godine je smanjen za 3,4% g/g sa negativnim doprinosom rastu ukupnog broja zaposlenih lica od 0,7 p.p. Iako je broj zaposlenih lica u posmatranom mjesecu smanjen i u području djelatnosti vađenja rude i kamena, građevinarstva, poslovanja nekretninama, stručnih, naučnih i tehničkih djelatnosti i sl. njihov doprinos smanjenju ukupnog broja zaposlenih je bio zanemariv (0,1 p.p. i manje). S druge strane, najznačajniji rast broja zaposlenih je bio u djelatnosti trgovine na veliko i malo, popravka motornih vozila i motocikala (1,7% g/g) uz doprinos rastu ukupnog broja zaposlenih od 0,3 p.p. Pored trgovine, značajan doprinos rastu ukupnog broja zaposlenih lica bio je u području djelatnosti zdravstvene i socijalne zaštite. U ovoj djelatnosti broj zaposlenih lica je uvećan za 2,7% g/g (uz doprinos rastu ukupnog broja zaposlenih od 0,2 p.p.). U djelatnosti pružanja smještaja te pripreme i usluživanja hrane broj zaposlenih lica je uvećan za 2,7% g/g uz doprinos rastu ukupnog broja zaposlenih oko 0,1 p.p. Sve ostale djelatnosti imale su manji doprinos rastu ukupnog broja zaposlenih.

Tabela 4: Broj zaposlenih⁹ lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	855.764	0,7%	547.660	1,2%	289.722	-0,3%
I 2025	860.041	1,2%	547.291	1,0%	-	-
II 2025	857.707	0,8%	545.427	0,5%	-	-
III 2025	854.831	0,5%	543.165	0,0%	-	-
I-III 2025	857.526	0,8%	545.294	0,5%	-	-
IV 2025	857.083	-0,1%	545.517	-0,2%	-	-

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

U maju 2025. godine broj registrovanih nezaposlenih lica u Bosni i Hercegovini je iznosio 315,5 hiljada i manji je za 2,8% u odnosu na maj 2024. godine. Prema objavljenoj anketi o radnoj snazi stopa nezaposlenosti u Bosni i Hercegovini u K1 2025. godine iznosila je 13,4%. U Republici Srpskoj stopa nezaposlenosti u K1 2025. godine je iznosila 10,5%, a u Federaciji Bosne i Hercegovine 14,6%.

⁸ Privremeni podatak. Izvor: BHAS.

⁹ Podaci o broju zaposlenih lica za Bosnu i Hercegovinu do septembra 2024. godine su konačni, a nakon toga podaci su privremeni. U Republici Srpskoj podaci o broju zaposlenih lica se objavljuju za mart i septembar svake godine. U periodu izrade Informacije nije bio raspoloživ podatak za mart 2025. godine.

Tabela 5: Broj registrovanih nezaposlenih lica

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	328.623	-5,8%	260.298	-6,1%	56.323	-7,8%
I 2025	323.628	-5,0%	257.914	-4,1%	53.956	-8,6%
II 2025	324.314	-4,2%	258.831	-3,1%	53.749	-8,7%
III 2025	324.233	-3,3%	259.278	-2,1%	53.279	-8,7%
I-III 2025	324.058	-4,2%	258.674	-3,1%	53.661	-8,7%
IV 2025	320.036	-3,0%	255.881	-1,8%	52.552	-8,4%
V 2025	315.494	-2,8%	252.275	-1,5%	51.622	-8,5%

Izvor: Agencija za statistiku Bosne i Hercegovine, Agencija za rad i zapošljavanje Bosne i Hercegovine, Zavod za zapošljavanje Republike Srpske, Federalni zavod za zapošljavanje Federacije Bosne i Hercegovine

Podatak o prosječnoj neto plati u Bosni i Hercegovini za maj 2025. godine nije objavljen u periodu pripreme Informacije, pa se podaci u tekstu odnose na april 2025. godine.

U Bosni i Hercegovini nastavljen je rast neto plata u aprilu 2025. godine. Prosječna neto plata u aprilu 2025. godine iznosila je 1.545 KM i nominalno je veća za 12,4% u odnosu na april 2024. godine uz nešto sporiju stopu realnog rasta (8,7%) zbog inflacije. Kretanje prosječne neto plate po entitetima predstavljeno je u tabeli ispod.

U aprilu 2025. godine neto plate su nominalno uvećane u svim područjima djelatnosti. Najveće nominalne stope rasta neto plate bile su u djelatnostima pružanja smještaja, te pripreme i usluživanja hrane (23,8% g/g), građevinarstvu (21,3% g/g), trgovine na veliko i malo, popravka motornih vozila i motocikala (18,7% g/g), prerađivačkoj industriji (18% g/g), administrativnim i pomoćnim uslužnim djelatnostima (17,2% g/g), umjetnosti, zabave i rekreacije (17,1% g/g). U svim drugim djelatnostima su registrovane sporije stope rasta neto plata u poređenju sa prethodno pomenutim.

Kao i prethodni mjesec, najveća prosječna isplaćena neto plata u Bosni i Hercegovini u aprilu 2025. godine bila je u području djelatnosti informacija i komunikacija (2.222 KM) te finansijskih djelatnosti i djelatnosti osiguranja (2.058 KM), dok je najniža prosječna isplaćena neto plata u području djelatnosti pružanja smještaja, te pripreme i usluživanja hrane (1.113 KM).

Tabela 6: Prosječna neto plata (u KM) i nom. stope rasta u odnosu na isti period prethodne godine

Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
I-XII 2024	1.381	9,4%	1.373	8,9%	1.404	10,2%
I 2025	1.508	13,5%	1.546	15,5%	1.434	9,3%
II 2025	1.506	12,6%	1.525	16,0%	1.475	6,0%
III 2025	1.534	13,4%	1.565	17,2%	1.476	5,9%
I-III 2025	1.516	13,1%	1.545	16,3%	1.462	7,0%
IV 2025	1.545	12,4%	1.583	16,1%	1.473	5,2%

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

U maju 2025. godine prosječna samostalna penzija u Bosni i Hercegovini iznosila je oko 704¹⁰ KM i u odnosu na maj 2024. godine nominalno je veća za 5,7%. Prosječne samostalne penzije

¹⁰ Prosječna samostalna penzija u Bosni i Hercegovini je izračunata na osnovu prosječnih samostalnih mjesečnih penzija ponderisanih udjelom ukupnog boja penzionera u svakom od entiteta u ukupnom broju penzionera. Uzme li se u obzir i broj korisnika srazmjernje penzije u Federaciji Bosne i Hercegovine prosječna penzija u Bosni i Hercegovini iznosi oko 644 KM. Podaci o srazmjernim penzijama u Republici Srpskoj nisu objavljeni u statističkom biltenu.

po entitetima su predstavljene u tabeli ispod.¹¹ Najniža penzija u maju 2025. godine u Federaciji Bosne i Hercegovine je iznosila je 599,3 KM, dok je u Republici Srpskoj iznosila 318,6¹² KM za penzijski staž do 15. godina. Broj penzionera u Bosni Hercegovini nastavio se postepeno uvećavati. U maju 2025. godine ukupan broj penzionera koji prima samostalne penzije iznosio je 661,6¹³ hiljada i u odnosu na maj prethodne godine uvećan je za 1,8%.

Tabela 7: Prosječna samostalna penzija (u KM)


Period	Bosna i Hercegovina	rast g/g	Federacija Bosne i Hercegovine	rast g/g	Republika Srpska	rast g/g
XII 2024	667,5	8,2%	724,6	7,3%	594,4	9,8%
I 2025	683,7	3,8%	725,2	2,1%	630,3	6,5%
II 2025	684,0	3,8%	725,3	2,1%	630,9	6,6%
III 2025	684,7	3,8%	726,4	2,1%	631,3	6,6%
IV 2025	703,3	5,7%	759,4	5,1%	631,6	6,6%
V 2025	703,6	5,7%	759,7	5,1%	631,7	6,6%

Izvor: Federalni zavod za penzijsko i invalidsko osiguranje Federacije Bosne i Hercegovine, Fond za penzijsko i invalidsko osiguranje Republike Srpske

2. Javne finansije

Tokom perioda januar-maj tekuće godine, nastavljani su pozitivni trendovi u naplati ukupnih javnih prihoda. Prema trenutno raspoloživim podacima, u Bosni i Hercegovini ukupno je prikupljeno oko 10,3 milijarde KM javnih prihoda, po osnovu indirektnih i direktnih poreza, socijalnih doprinosa, taksi, kazni i naknada. U poređenju sa istim periodom prethodne godine, javni prihodi su veći za oko 737,4 miliona KM ili 7,7%.

Grafikon 7: Rast javnih prihoda po mjesecima u %



Izvor: UIO BiH, entitetske poreske uprave

¹¹ U Republici Srpskoj penzije ostvarene do 31. decembra 2024. godine svim korisnicima prava usklađuju se od 01. januara 2025. godine i povećavaju u ukupnom iznosu za 6%. Izvor: Fond za penzijsko i invalidsko osiguranje Republike Srpske.

U Federaciji Bosne i Hercegovine na osnovu Odluke Upravnog odbora Federalnog zavoda za MIO/PIO o redovnom usklađivanju, penzije u aprilu 2025. godine su uvećane za 4,49%. S obzirom na to da se redovno usklađivanje primjenjuje retroaktivno od 1. januara 2025. godine, korisnicima će prilikom isplate za april biti isplaćena i razlika između ranije isplaćenih i uvećanih penzija za prva tri mjeseca tekuće godine. Izvor: Federalni zavod za penzijsko i invalidsko osiguranje.

¹² U Republici Srpskoj za penzijski staž 15-20 godina najniža penzija je iznosila 382,40 KM, za penzijski staž 20-30 godina iznosila je 446,15 KM, za penzijski staž 30-40 godina iznosila je 509,94 KM i za penzijski staž 40 i više godina najniža penzija je iznosila 637,43 KM.

¹³ Broj penzionera u Bosni i Hercegovini u analizi predstavlja zbir penzionera koji primaju samostalne penzije od Federalnog zavoda za penzijsko i invalidsko osiguranje i Fonda za penzijsko i invalidsko osiguranje Republike Srpske bez obzira na mjesto prebivališta (u ili izvan Bosne i Hercegovine). Uzme li se u obzir i broj korisnika srazmjerne penzije u Federaciji Bosne i Hercegovine ukupan broj penzionera u Bosni i Hercegovini iznosi oko 748,3 hiljada. Podaci o srazmjernim penzijama u Republici Srpskoj nisu objavljeni u statističkom biltenu.

Indirektni porezi

Od 01.01.2025. na snazi je Odluka o utvrđivanju posebne i minimalne akcize na cigarete i duvan za pušenje za 2025. godinu¹⁴.

Naplaćeni prihodi. U maju mjesecu tekuće godine, naplata prihoda od strane Uprave za indirektno oporezivanje Bosne i Hercegovine (dalje u tekstu UIO) u poređenju sa prethodnim mjesecom je nešto bolja. Ako se naplaćeni prihodi uporede sa istim mjesecom prethodne godine, uočava se nešto skromnija stopa rasta, koja se značajno odrazila na kretanje navedenih prihoda u kumulativu. U periodu januar-maj 2025. godine, UIO je ukupno prikupila oko 4,7 milijardi KM bruto prihoda, što je za oko 4,8% g/g više. Još uvijek prisutan, rast povrata novčanih sredstava sa Jedinstvenog računa UIO (JR UIO), značajno se odrazio na neto naplatu, koja je ostvarila rast od oko 4,6% g/g. Povrat poreza na dodatu vrijednost (u daljem tekstu PDV) stranim poreskim obveznicima je značajno uvećao ukupne povrate (5,6 miliona KM od ukupnih sredstava). Neto prihodi od indirektnih poreza, za prvih pet mjeseci su iznosili oko 3,8 milijardi KM.

Sve kategorije prihoda od indirektnih poreza su dale pozitivan doprinos stopi rasta neto prihoda: porez na dodatu vrijednost od 3,0 p.p. (u daljem tekstu PDV), prihodi od akciza 1,1 p.p., prihodi carina sa po 0,4 p.p. i prihodi od putarina 0,1 p.pp.

Tabela 8: Naplata i raspodjela prihoda od indirektnih poreza (rast g/g u % ako nije drugačije naznačeno)

	struktura 2025	jan-maj 2024	jan-maj 2025	mar 2025	apr 2025	maj 2025
Bruto prihodi - prikupljeno	100,0	6,7	4,8	8,8	2,7	4,8
<i>Povrati</i>	<i>18,1</i>	<i>13,7</i>	<i>5,9</i>	<i>-15,8</i>	<i>17,5</i>	<i>2,8</i>
Neto prihodi - prikupljeno	81,9	4,9	4,6	16,0	-0,4	9,0
<i>PDV</i>	<i>54,0</i>	<i>7,4</i>	<i>4,5</i>	<i>18,3</i>	<i>-2,6</i>	<i>9,1</i>
<i>Carine</i>	<i>5,0</i>	<i>23,3</i>	<i>6,4</i>	<i>7,4</i>	<i>1,7</i>	<i>1,8</i>
<i>Akcize</i>	<i>15,9</i>	<i>-2,0</i>	<i>5,9</i>	<i>16,4</i>	<i>5,2</i>	<i>13,7</i>
<i>Putarine</i>	<i>6,5</i>	<i>1,2</i>	<i>1,7</i>	<i>3,7</i>	<i>0,6</i>	<i>6,5</i>
<i>Ostali prihodi</i>	<i>0,2</i>	<i>10,6</i>	<i>-9,3</i>	<i>-21,4</i>	<i>-14,7</i>	<i>-4,3</i>
<i>Neusklađeni prihodi</i>	<i>0,3</i>	<i>-55,4</i>	<i>-2,5</i>	<i>81,5</i>	<i>55,0</i>	<i>-44,2</i>
Raspoloživo za raspodjelu	100,0	7,0	4,9	9,7	1,1	8,5
<i>Minimalne rezerve</i>	<i>18,5</i>	<i>13,2</i>	<i>5,8</i>	<i>-14,6</i>	<i>16,7</i>	<i>2,6</i>
Budžeti	81,5	5,2	4,7	17,0	-2,4	10,0
Servisiranje vanjskog duga	12,1	74,3	-2,0	-2,5	-12,8	-9,3
<i>Federacija Bosne i Hercegovine</i>	<i>8,0</i>	<i>72,7</i>	<i>-4,3</i>	<i>-3,6</i>	<i>-9,5</i>	<i>-27,4</i>
<i>Republika Srpska</i>	<i>4,0</i>	<i>79,6</i>	<i>2,2</i>	<i>1,6</i>	<i>-18,4</i>	<i>23,3</i>
<i>Brčko Distrikt</i>	<i>0,1</i>	<i>21,8</i>	<i>7,9</i>	<i>-5,6</i>	<i>-5,0</i>	<i>81,1</i>
Raspodjeljeno nakon servisiranja vanjskog duga	69,4	-2,3	6,1	20,4	0,7	13,1
<i>Institucije Bosne i Hercegovine</i>	<i>9,1</i>	<i>31,3</i>	<i>-3,2</i>	<i>-1,3</i>	<i>-1,3</i>	<i>-6,0</i>
<i>Federacija Bosne i Hercegovine</i>	<i>36,8</i>	<i>-6,7</i>	<i>8,3</i>	<i>25,4</i>	<i>-0,1</i>	<i>-20,2</i>
<i>Republika Srpska</i>	<i>21,1</i>	<i>-7,9</i>	<i>6,5</i>	<i>21,7</i>	<i>3,7</i>	<i>9,9</i>
<i>Brčko Distrikt</i>	<i>2,4</i>	<i>1,4</i>	<i>5,6</i>	<i>25,4</i>	<i>-2,5</i>	<i>8,5</i>

Izvor: UIO Bosne i Hercegovine

PDV. Bruto prihodi su u periodu januar-maj 2025. godine, iznosili oko 3,4 milijarde KM, što je za 5,0% više nego u istom periodu 2024. godine. Neto prihodi po osnovu PDV-a, tokom istog perioda, su iznosili oko 2,5 milijarde KM, čime su ostvarili rast od oko 4,5%. Tokom

¹⁴ Odluka o utvrđivanju posebne i minimalne akcize na cigarete i iznos akcize na duvan za pušenje za 2025. godinu („Službeni glasnik BiH“, broj 84/24), a koja se primjenjuje od 01.01.2025. godine. Odlukom je definisano da se od 01.01.2025. godine, na cigarete i duvan za pušenje plaća sljedeća akciza i to :

a) proporcionalna akciza, po stopi od 42% na osnovicu utvrđenu u skladu sa članom 15. stav (1) tačka b) Zakona o akcizama u Bosni i Hercegovini ("Službeni glasnik BiH", br. 49/09, 49/14, 60/14, 91/17 i 50/22, u daljnjem tekstu: Zakon) i

b) specifična akciza u iznosu od 82,50 KM za 1.000 komada, odnosno 1,65 KM za pakovanje cigareta od 20 komada

Akciza na duvan za pušenje utvrđuje se u visini od 80% minimalne akcize, utvrđene u članu 3. stav (3) ove odluke i iznosi 143,20 KM po kilogramu.

<http://www.sluzbenilist.ba/page/akt/pS4G2Sohz4nh78h777kohz4nh78h77c=>

posmatranog perioda 2025. godine, prihodi od PDV-a po osnovu uvoza roba veći su za oko 4,9% g/g, dok su prihodi naplaćeni iz prometa domaćih roba i usluga veći za oko 5,7% g/g.

Akcize. Prihodi od akciza, u posmatranom periodu tekuće godine, su iznosili oko 567 miliona KM bruto prihoda, što je za oko 5,0% više u poređenju sa istim periodom prethodne godine. Prihodi od uvoza akciza su veći za oko 5,1% g/g. Sa druge strane, domaće akcize nastavljaju da se smanjuju i na kraju posmatranog perioda su manje za oko 4,4% g/g. Ukupni prihodi od akciza na naftu i derivate nafte su ostvarili skromnu stopu rasta u poređenju sa istim periodom prethodne godine (1,9% g/g), prihodi od akciza na duvan i duvanske preradevine viši su za oko 7,3% g/g, dok su prihodi od ostalih akciza ostvarili negativnu stopu rasta od 0,2% g/g. Negativna stopa rasta je ostvarena zbog domaćih ostalih akciza: domaća alkoholna i bezalkoholna pića, domaće pivo i vino.

Putarine. Ukupno naplaćeni prihodi od putarina za prvih pet mjeseci 2025. godine iznosili su oko 288 miliona KM. Naplata prihoda od putarine uglavnom prati naplatu akciza na naftu i naftne derivate, sa određenim razlikama koje potiču od različitih osnovica na koje se obračunava i plaća putarina, odnosno akcize na naftu i derivate nafte. Tokom posmatranog perioda navedeni prihodi su ostvarili povećanje od oko 1,7% g/g.

Carine. Neto prihodi od carinskih dažbina u periodu januar-maj 2025. godine su iznosili oko 243 miliona KM. U poređenju sa istim periodom prethodne godine navedeni prihodi su veći za oko 6,4% g/g.

Raspoređeni prihodi. Za pet mjeseci 2025. godine, ukupni prihodi raspoloživi za raspodjelu su iznosili oko 4,7 milijardi KM. Nakon izdvajanja sredstava za izgradnju autoputeva i izgradnju i rekonstrukciju drugih puteva u Bosni i Hercegovini u iznosu od oko 178 miliona KM, minimalne rezerve u iznosu od oko 921 milion KM i sredstava za finansiranje institucija Bosne i Hercegovine u iznosu od 408 miliona KM, UIO Bosne i Hercegovine, je izvršila raspored preostalih sredstava u iznosu od oko 3,2 milijarde KM krajnjim korisnicima prema važećim koeficijentima¹⁵. Od tog iznosa Federaciji Bosne i Hercegovine je doznačeno ukupno oko 2 milijarde KM (za servis vanjskog duga oko 388 miliona KM), Republici Srpskoj oko 1,1 milijardu KM (za servis vanjskog duga oko 208 miliona KM) i Brčko Distriktu oko 113 miliona KM (za servis vanjskog duga 7,6 miliona KM). U poređenju sa istim periodom prethodne godine raspoređena sredstva sa jedinstvenog računa UIO za servis vanjskog duga su manja za oko 2,0% g/g, a raspoređena sredstva krajnjim korisnicima, nakon servisiranja obaveza vanjskog duga za 6,1%.

Direktni porezi, doprinosi i neporeski prihodi

Od januara 2025. godine, u primjeni su zakonski akti i mjere koje su donijele i primjenjuju, obje entitetske vlade, koje će se u narednom periodu svakako odraziti na prihode entitetskih poreskih uprava, a o čemu je detaljnije pisano u prethodnim Informacijama¹⁶.

¹⁵ Odlukom Upravnog odbora UIO Bosne i Hercegovine, broj: 02-02-15-3-1/23 od 04.09.2023. godine, utvrđeni su privremeni koeficijenti raspodjele sredstava sa Jedinstvenog računa za period jul-septembar 2023. godine, i isti iznose: BiH 62,01%, RS 34,44%, Brčko Distrikt BiH 3,55%.

¹⁶ <https://fbihvlada.gov.ba/bs/utvrdena-najniza-plata-za-2025-godinu-u-iznosu-od-1000-km>

<https://fbihvlada.gov.ba/bs/11-uredba-o-isplati-pomoci-od-strane-poslodavca>;

<https://www.pufbih.ba/v1/novosti/3181/obavijest-u-vezi-primjene-uredbe-o-isplati-pomoi-radnicima-od-strane-poslodavca>

<https://erp.slglasnik.org/erp/slglasnik.org/rs/sgrs/vlada-republike-srpske/odluka/2025/6/15900>

1) Najniža plata u Republici Srpskoj utvrđuje se u bruto iznosu od 1.344,26 KM, odnosno u neto iznosu od 900,00 KM.

Entitetske poreske uprave su u periodu januar-maj 2025. godine, ukupno prikupile oko 5,5 milijardi KM javnih prihoda, iz svojih nadležnosti čime su ostvarile stopu rasta od oko 10,3% g/g. Detalji o naplaćenim prihodima slijede u tabeli ispod. Posljednjih mjeseci prisutno je usporavanje rasta prihoda od direktnih poreza. Razlog za to jeste smanjenje prihoda od poreza na dobit.

Tabela 9: Prihodi od direktnih poreza, doprinosa, taksi, naknada i kazni u periodu januar-maj

Naziv prihoda	Federacija Bosne i Hercegovine			Republika Srpska			Bosna i Hercegovina		
	miliona KM		rast u %	miliona KM		rast u %	miliona KM		rast u %
	2024	2025		2024	2025		2024	2025	
Direktni porezi	725,1	804,2	10,9	482,1	479,0	-0,7	1.207,2	1.283,1	6,3
Porez na dohodak	319,6	384,9	20,4	174,9	199,6	14,1	494,5	584,5	18,2
Porez na dobit	340,7	349,9	2,7	291,9	260,4	-10,8	532,6	610,4	-3,5
Porezi građana	64,6	69,1	6,9	15,3	19,0	23,8	79,9	88,1	10,2
Ostali porezi	0,2	0,2	8,5	0,0	0,0	-	0,2	0,2	8,5
Takse, kazne i naknade	360,7	365,1	1,2	227,6	244,6	7,5	588,3	609,8	3,6
Doprinosi	2.223,5	2.559,9	15,1	1.013,4	1.099,7	8,5	3.236,9	3.659,6	13,1
PIO	1.245,7	1.427,6	14,6	608,2	659,6	8,4	1.853,9	2.087,1	12,6
Zdravstvo	875,6	1.014,1	15,8	331,6	360,2	8,6	1.207,2	1.374,3	13,8
Nezaposleni	102,2	118,3	15,8	18,9	20,5	8,9	121,0	138,8	14,7
Dječija zaštita	0,0	0,0	-	51,0	55,2	8,3	51,0	55,2	8,3
Zapošljavanje invalida	0,0	0,0	-	3,8	4,2	10,0	3,8	4,2	10,0
Ostali prihodi	0,2	0,3	71,1	0,0	0,0	-	0,2	0,3	71,1
UKUPNO	3.309,5	3.729,5	12,7	1.723,2	1.823,3	5,8	5.032,7	5.552,8	10,3

Izvor: entitetske poreske uprave

Socijalni doprinosi. Ukupno prikupljeni prihodi po osnovu socijalnih doprinosa, za prvih pet mjeseci 2025. godine, su iznosili oko 3,7 milijardi KM, čime su u ostvarili rast od oko 13,1% g/g. Posmatrajući pojedinačne kategorije prihoda od doprinosa, uočava se da one bilježe ujednačene stope rasta, i što je rezultat primjene vladinih mjera u oblasti plata. Dominantna kategorija ovih prihoda jesu prihodi od doprinosa za penzijsko i invalidsko osiguranje (PIO), koji su zabilježili stopu rasta od oko 12,6% g/g.

Direktni porezi. Prihodi po ovom osnovu na nivou Bosne i Hercegovine, tokom perioda januar-maj 2025. godine, su kao i u prethodno posmatranom periodu, zabilježili usporenje stope rasta. Prihodi po osnovu poreza na dohodak su ostvarili značajnu dvocifrenu stopu rasta, kao rezultat povećanja plata, dok se na navedeno usporenje rasta značajno reflektovalo smanjenje prihoda po osnovu poreza na dobit. Iako podaci poreskih uprava ukazuju na povećanje privrednih subjekata (prema broju novoregistrovanih poslovnih subjekata), pretpostavka je da je njihovo poslovanje negativno. U posmatranom periodu po osnovu direktnih poreza ukupno je naplaćeno oko 1,3 milijarde KM, čime su ostvarili stopu rasta od oko 6,3% g/g i veći su za samo 75,9 miliona KM.

Takse, kazne i naknade. Po osnovu različitih taksi, naknada i kazni, tokom posmatranog perioda 2025. godine, ukupno je naplaćeno oko 610 miliona KM, što je za oko 3,6% više nego u istom periodu prethodne godine. Naplata ove vrste prihoda je stabilna i ukazuje na

2) Najniža plata za poslove za čije obavljanje se zahtijeva najmanje stečeno srednje obrazovanje u trajanju od tri godine utvrđuje se u bruto iznosu od 1.426,23 KM, odnosno u neto iznosu od 950,00 KM.

3) Najniža plata za poslove za čije obavljanje se zahtijeva najmanje stečeno srednje obrazovanje u trajanju od četiri godine utvrđuje se u bruto iznosu od 1.508,20 KM, odnosno u neto iznosu od 1.000,00 KM.

4) Najniža plata za poslove za čije obavljanje se zahtijeva najmanje stečeno više obrazovanje utvrđuje se u bruto iznosu od 2.000,00 KM, odnosno u neto iznosu od 1.300,00 KM.

pooštavanje fiskalne discipline i inpekijskog nadzora. Na rast prihoda u navedenoj kategoriji najveći doprinos su imali povećani prihodi po osnovi naknada za priređivanje igara na sreću, naknada (prihodi od zemljišne rente, komunalna taksa za korišćenje reklamnih panoa, naknada za uređivanje građevinskog zemljišta) i raznih kazni (najvećim dijelom, prekršajne kazne).

3. Cijene, monetarni i finansijski sektor

Cijene

Na osnovu podataka u tabeli ispod može se zaključiti da inflacija u Bosni i Hercegovini od početka godine raste. U Bosni i Hercegovini u maju 2025. godine registrovana je inflacija 3,7% u odnosu na isti mjesec prethodne godine, odnosno u periodu I-V 2025. godine je iznosila 3,4%. U Federaciji Bosni i Hercegovine u periodu I-V 2025. godine inflacija je iznosila 3,2% g/g, dok je u Republici Srpskoj iznosila 3,6% g/g. Poređenja radi, prema podacima EUROSTAT-a inflacija u EU 27 u maju 2025. godine je iznosila 2,2% g/g odnosno za period I-V 2025. godine je iznosila 2,5%.

Tabela 10: Indeks potrošačkih cijena (poređenje sa istim periodom prethodne godine)

Period	Bosna i Hercegovina	Federacija Bosne i Hercegovine	Republika Srpska
I-XII 2024	101,7	101,4	101,8
I 2025	103,3	103,3	103,2
II 2025	103,5	103,4	103,6
III 2025	103,2	103,0	103,3
IV 2025	103,4	103,0	103,6
V 2025	103,7	103,2	104,1
I-V 2025	103,4	103,2	103,6

Izvor: Agencija za statistiku Bosne i Hercegovine, Federalni zavod za statistiku Federacije Bosne i Hercegovine, Republički zavod za statistiku Republike Srpske

U okviru indeksa potrošačkih cijena najznačajniji doprinos rastu inflacije je zabilježen u odjeljcima hrane i bezalkoholnih pića, zdravstva, alkoholnih pića i duvana te restorana i hotela i ostalih dobara i usluga.

U periodu I-V 2025. godine u odjeljku hrane i bezalkoholnih pića cijene su uvećane za 8% g/g uz ubrzane stope rasta cijena hrane od početka godine što dominantno utiče na ukupnu inflaciju u Bosni i Hercegovini (tabela ispod).

Pored toga, cijene u odjeljku alkoholnih pića i duvana u periodu I-V 2025. godine su uvećane za 4,4% g/g. Od 1. januara 2025. godine stupila je na snagu Odluka o utvrđivanju specifične i minimalne akcize¹⁷ na cigarete i duvan za 2025. godinu. Pored toga, u februaru je došlo do poskupljenja cigareta od strane pojedinih proizvođača što je uticalo na rast cijena ovih proizvoda.

¹⁷ Upravni odbor Uprave za indirektno oporezivanje donio je Odluku o utvrđivanju specifične i minimalne akcize na cigarete i iznos akcize na duvan za pušenje za 2025. godinu. Minimalna akciza za pakovanje cigareta od 20 komada iznosi 3,58 KM (u 2024. godini je iznosila 3,46 KM), a specifična akciza iznosi 1,65 KM za pakovanje cigareta od 20 komada (ostala je ista u odnosu na 2024. godinu). Akciza na duvan za pušenje utvrđuje se u visini od 80% minimalne akcize na cigarete utvrđene u članu 3. stav (3) ove odluke iznosi 143,20 KM po kilogramu (u 2024. godini je iznosila 138,4 KM po kilogramu). Izvor: Odluka o utvrđivanju specifične i minimalne akcize na cigarete i iznos akcize na duvan za pušenje za 2025. godinu.

Tabela 11: Indeks potrošačkih cijena u Bosni i Hercegovini


Odjeljak	I 2025 I 2024	II 2025 II 2024	III 2025 III 2024	IV 2025 IV 2024	V 2025 V 2024	I-V 2025 I-V 2024
00 Ukupan indeks	103,3	103,5	103,2	103,4	103,7	103,4
01 Hrana i bezalkoholna pića	106,3	107,2	107,8	108,9	109,9	108,0
02 Alkoholna pića i duvan	104,3	105,6	103,9	104,0	104,0	104,4
03 Odjeća i obuća	91,3	91,1	90,8	104,0	91,8	91,3
04 Stanovanje, voda, el. energija, plin i dr. energenti	100,8	100,4	100,6	101,0	100,2	100,6
05 Namještaj, kućni uređaji i redovno održavanje kuće	99,6	100,0	98,9	99,4	100,6	99,7
06 Zdravstvo	107,0	106,8	106,3	106,3	106,4	106,6
07 Prevoz	99,8	99,2	96,9	94,4	93,6	96,8
08 Komunikacije	100,3	100,2	100,2	100,2	100,4	100,3
09 Rekreacija i kultura	103,4	103,4	103,1	103,3	104,4	103,5
10 Obrazovanje	100,5	100,6	100,6	100,6	100,8	100,6
11 Restorani i hoteli	107,1	105,9	105,8	105,8	106,2	106,2
12 Ostala dobra i usluge	103,4	103,3	102,8	102,7	103,0	103,1

Izvor: Agencija za statistiku Bosne i Hercegovine

Na osnovu podataka o svjetskim cijenama primjećuje se da je cijena sirove nafte u maju 2025. godine bila niža za 23% u odnosu na maj 2024. godine i iznosila je 62,7 \$/barelu (grafikon ispod). U odnosu na prethodni mjesec cijena sirove nafte bila je niža za 4,8%. Na taj način su cijene u odjeljku prevoza u Bosni i Hercegovini u prosjeku perioda I-V 2025. godine bile niže za 3,2% g/g. S druge strane, cijena prirodnog gasa (Evropa) u maju 2025. godine bila je viša u odnosu na maj 2024. godine za 15,2%.

U odjeljku stanovanja, vode, električne energije, plina i drugih energenata (režijski troškovi) cijene se nisu značajno mijenjale (0,6% g/g) u periodu I-V 2025. godine pa je i njihov doprinos rastu ukupne inflacije u Bosni i Hercegovini bio zanemariv.

Grafikon 8: Kretanje cijena sirove nafte, prirodnog gasa i indeksa hrane na svjetskom tržištu



Izvor: Svjetska banka

Monetarni sektor

Prema podacima Centralne banke Bosne i Hercegovine (u daljem tekstu CBBiH) ukupna novčana masa (M2) na kraju maj 2025. godine iznosila je oko 39,6 mlrd. KM i uvećana je za 8,1% u odnosu na isti mjesec prethodne godine. Istovremeno, rezervni novac (M0) iznosio je oko 14,6 mlrd. KM što je za 4,5% više u odnosu na isti mjesec prethodne godine. Prosječna stopa obavezne¹⁸ rezerve na kraju maja 2025. godine nije se mijenjala i iznosila je 10%. Bruto

¹⁸ Prosječna stopa obavezne rezerve = Prosječne obavezne rezerve/osnovica za obračun obavezne rezerve.

devizne rezerve iznosile su oko 16,9 mlrd. KM i veće su za 7,4% u odnosu na isti mjesec prethodne godine.


Bankarski sektor

Prema podacima CBBiH ukupni plasirani krediti na kraju maja 2025. godine uvećani su za 10,2% u odnosu na isti mjesec prethodne godine i iznosili su oko 27 mlrd. KM. Krediti stanovništvu su uvećani za 10,3% g/g, dok su krediti nefinansijskim preduzećima uvećani za 8,3% g/g. Ukupni depoziti na kraju maja 2025. godine su uvećani za 7,6% u odnosu na isti mjesec prethodne godine i dostigli su oko 34,3 mlrd. KM. Depoziti stanovništva su uvećani za 10,8% g/g, dok su depoziti nefinansijskih preduzeća uvećani za 4,5% g/g.

Berze u Bosni i Hercegovini

U mjesecu maju 2025. godine ukupan promet na sarajevskoj berzi (u daljem tekstu SASE) je dostigao oko 95 mil. KM. uz stopu rasta od 59,1% g/g. Ovaj iznos ujedno predstavlja 42,8% ukupnog ostvarenog prometa u Bosni i Hercegovini. U ovom mjesecu na SASE je putem javne ponude obveznica za emitente prikupljeno oko 50 mil. KM i oko 39,5 mil. KM trezorskih zapisa.


Grafikon 9: Promet na SASE u milionima KM



Izvor: SASE

U mjesecu maju 2025. godine ukupan promet na Banjalučkoj berzi (u daljem tekstu BLSE) je dostigao oko 126,9 mil. KM uz stopu rasta od 92,3% g/g. Ovaj iznos predstavlja 57,2% ostvarenog prometa u Bosni i Hercegovini u ovom mjesecu. Na BLSE je za emitente putem emisije obveznica i trezorskih zapisa za emitenta prikupljeno 125,3 mil. KM.

Grafikon 10: Promet na BLSE u milionima KM



Izvor: BLSE

Ukupan promet na SASE i BLSE je dostigao oko 221,9 mil. KM uz stopu rasta od 76,5% g/g. U ovom mjesecu je putem primarne emisija obveznica i trezorskih zapisa za emitenta prikupljeno 214,8 mil. KM.


Tabela 12: Ukupna kapitalizacija promet (u KM) na kraju perioda na SASE i BLSE

Godina	SASE	BLSE	UKUPNO
Maj-23	6.516.128.198,2	4.656.382.277,7	11.172.510.475,9
Maj-24	6.391.214.526,0	5.214.128.602,4	11.605.343.128,4
Maj-25	7.856.182.209,4	5.047.833.562,8	12.904.015.772,3

Izvor: SASE i BLSE

Ukupna kapitalizacija na SASE na kraju mjeseca maja je dostigla 7,9 mlrd. KM uz stopu rasta od 22,9% g/g. Kapitalizacija na BLSE na kraju maja mjeseca 2025. godine je dostigla 5,0 mlrd. KM uz negativnu stopu rasta od 3,2% g/g. Ukupna kapitalizacija na (SASE+BLSE) kraju mjeseca maja 2025.godine je uz stopu rasta od 11,2% g/g dostigla oko 12,9 mlrd. KM. Odnos kapitalizacije na SASE prema BLSE na kraju ovog perioda je bio 60,9% prema 39,1%.

Grafikon 11: Kapitalizacija na SASE i BLSE u milijardama KM i stopa rasta u %



Izvor: SASE i BLSE

4. Vanjski sektor


Platni bilans

Prema zvaničnim podacima CBBiH za platni bilans Bosne i Hercegovine, deficit tekućeg računa je u K1 2025. godine neznatno uvećan u odnosu na isti kvartal prethodne godine. Tako je deficit tekućeg računa u K1 2025. godine iznosio 1,1 milijardu KM dok je godinu ranije u K1 iznosio 1,01 milijardu KM¹⁹ (tačnije kazano uvećan je za 88 miliona KM).

I deficit vanjske trgovine je također ostao na približno istom nivou kao i prethodne godine, (u K1 2025. godine iznosio oko 2,08 milijardi KM dok je u K1 2024. godine iznosio 2,06 milijardi KM). Nominalni rast izvoza roba i usluga iznosio je 7,7% g/g, tačnije kazano uvećan je 365 miliona KM (izvoz robe je veći za 383 miliona KM dok je sa druge strane izvoz usluga niži za 18 miliona KM). Istovremeno, nominalni uvoz robe i usluga viši je za 5,7% g/g (uvoz robe uvećan za 389 miliona KM dok je uvoz usluga niži za 2 miliona KM).

¹⁹ Izvor podataka: CBBiH, Statistika platnog bilansa, juni 2025. godine

**Grafikon 12: Kretanje deficita tekućeg računa i vanjskotrgovinskog deficita
Bosne i Hercegovine – po godinama u K1**



Izvor: CBBiH

Tekući neto prilivi iz inostranstva su u posmatranom kvartalu zabilježili smanjenje od 7,1% g/g (iznosili su 957 miliona KM i niži su za 73 miliona KM). U okviru tekućih priliva novca (koji su viši za 67 miliona KM, odnosno za 3,7% g/g) najveći dio od navedenog iznosa otpada na prilive novca kod domaćinstava (porast za 72 miliona KM, odnosno rast od 4,7% g/g). Ovom povećanju priliva kod domaćinstava najviše je doprinio rast doznaka građana iz inostranstva za 73 miliona KM zatim povećanje kompenzacija zaposlenih rezidenata Bosne i Hercegovine u inostranstvu za 27 miliona KM, povećani ostali tekući transferi iz inostranstva za milion KM dok su sa druge strane socijalne beneficije iz inostranstva niže za 29 miliona KM

Neto odlivi prema inostranstvu su, u K1 2025. godine, također zabilježili povećanje i to po stopi rasta od 17,7% g/g (povećanje odliva za 141 miliona KM). Ovaj porast se najvećim dijelom reflektirao povećanim odlivima kod nefinansijskih preduzeća i to po osnovu odliva na dohodak za vlasnički kapital i udjele u investicionim fondovima (odlivi za dividende od direktnih i portfolio investicija te odlivi po osnovu reinvestirane dobiti od direktnih investicija).

Finansiranje deficita tekućeg računa u K1 2025. godine se odvijalo kroz porast ulaganja u aktivu Bosne i Hercegovine u inostranstvu za 312 miliona KM (gotovo podjednako i iz finansijskih i iz nefinansijskih preduzeća), promjenu stanja inostranih obaveza za 307 miliona KM (u koje ulaze strana ulaganja u vlasnički kapital od 432 miliona KM, sredstva trgovinskih kredita 246 miliona KM, vanjskog zaduživanja-u koji ulazi otplata duga od 395 miliona KM te ostale obaveze prema nerezidentima u iznosu od 24 miliona KM), sredstvima rezervne aktive od 844 miliona KM²⁰, sredstvima sa kapitalnog računa 85 miliona KM uz neto greške i propuste u iznosu od 172 miliona KM.


Vanjskotrgovinska robna razmjena

U proteklih nekoliko godina Bosna i Hercegovina je bilježila kontinuirani trend rasta vanjskotrgovinske robne razmjene, što se u pojedinim godinama manifestovalo i dvocifrenim stopama rasta izvoza i uvoza roba. Međutim u 2024. godini ovaj pozitivan trend je zaustavljen obzirom da je ukupna vanjskotrgovinska robna razmjena u Bosni i Hercegovini stagnirala. Tako su glavne karakteristike vanjskotrgovinske robne razmjene u 2024. godine bile, stagnacija

²⁰ Za razliku od monetarnog sektora gdje se analizira stanje deviznih rezervi na kraju perioda ovdje se prate tokovi novca

ukupnog obima razmjene, smanjenje izvoza roba, povećanje uvoza roba i povećanje vanjskotrgovinskog deficita.²¹ Međutim, prema trenutno raspoloživim podacima o vanjskotrgovinskoj robnoj razmjeni u Bosni i Hercegovini za 2025. godinu čini se da je došlo do zaustavljanja ovog negativnog trenda. Naime, nakon dugo vremena u Bosni i Hercegovini je došlo do istovremenog rasta izvoza i uvoza roba, što je rezultiralo povećanjem ukupnog obima vanjskotrgovinske u odnosu na isti period prethodne godine. Pregled kretanja vanjskotrgovinskih pokazatelja u Bosni i Hercegovini za period januar-maj 2025. godine prikazan je na grafikonu ispod.

Grafikon 13: Vanjskotrgovinska robna razmjena u Bosni i Hercegovini za januar-maj 2025. godine (nominalni iznosi i stope rasta g/g)



Prema trenutno raspoloživim podacima BHAS-a za period januar-maj 2025. godine izvoz roba iz Bosne i Hercegovine iznosio je preko 7 milijardi KM što predstavlja nominalno povećanje od 424 miliona KM odnosno 6,4% u odnosu na isti period prethodne godine.²² Posmatrano na mjesečnom nivou, izvoz roba iz Bosne i Hercegovine već 8 mjeseci zaredom bilježi pozitivne stope rasta što bi moglo ukazivati da su negativni trendovi iz prethodne godine zaustavljeni. Tako je stopa rasta izvoza roba u maj 2025. godine u odnosu na isti mjesec prethodne godine iznosila 9,9%.

Ako se izvoz roba iz Bosne i Hercegovine za period januar-maj posmatra detaljnije po proizvodima, vidljivo je da su najznačajnija povećanja izvoza roba registrirana u okviru izvoza el. energije 55% (2,1 p.p.), ruda metala gdje je izvoz višestruko uvećan a doprinos rastu ukupnog izvoza iznosio (1,7 p.p.), baznih metala 21,7% (1,6 p.p.), gotovih metalnih proizvoda 8% (1,0 p.p.), autokomponenti 21,6% (0,9 p.p.), prehrambenih proizvoda 16,1% (0,7 p.p.) i dr. S druge strane, u periodu januar-maj 2025. godine najznačajnija smanjenja su zabilježena u okviru izvoza koksa 81,4% (-1,5 p.p.), mašina i uređaja 6,2% (-0,5 p.p.), odjeće 9,9% (-0,5 p.p.) i namještaja 5,9% (-0,4 p.p.). Ako se izvoz roba iz Bosne i Hercegovine u periodu januar-maj 2025. godine posmatra po glavnim trgovinskim partnerima vidljivo je da najviše robe izvezeno na tržište zemalja EU u vrijednosti od skoro 5,2 milijarde KM što predstavlja povećanje od 5,2% u odnosu na isti period prethodne godine. S druge strane, izvoz roba iz

²¹ Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za decembar 2024. godine-prethodni podaci“, 20.01.2025. godine.

²² Agencija za statistiku Bosne i Hercegovine, Saopštenje, „Vanjskotrgovinska robna razmjena u Bosni i Hercegovini za januar-maj 2025. godine“, 20.06.2025. godine.

Bosne i Hercegovine u zemlje CEFTA-e iznosio je skoro 1,2 milijarde KM što predstavlja povećanja od 12,7%. Ako se robni izvoz iz Bosne i Hercegovine u periodu januar-maj 2025. godine posmatra po zemljama vidljivo je da su najznačajnija povećanja zabilježena prilikom izvoza u Hrvatsku 20,6% (3,3 p.p.), Srbiju 12,1% (1,2 p.p.), Austriju 2,6% (0,2 p.p.), Sloveniju 1,8% (0,1 p.p.), dok su najznačajnija smanjenja registrirana prilikom izvoza u Njemačku 3,0% (-0,5 p.p.) i Italiju 1,3% (-0,1 p.p.).

S druge strane, uvoz roba u Bosnu i Hercegovinu u periodu januar-maj 2025. godine iznosio je preko 12,2 milijarde KM što predstavlja nominalni rast od 546 miliona KM odnosno 4,7% u odnosu na isti period prethodne godine. Posmatrano na mjesečnom nivou, uvoz roba u Bosnu i Hercegovinu u maju 2025. godine u poređenju sa istim mjesecom prethodne godine uvećan je za 4,2%. Ovaj nastavak trenda rasta uvoza je veoma značajan u kontekstu kretanja privatne potrošnje i investicija odnosno domaće tražnja u zemlji koja predstavlja glavno uporište ekonomskog rasta u zemlji. Posmatrano po proizvodima, u periodu januar-maj 2025. godine najznačajnija povećanja uvoza su registrirana u okviru uvoza električne energije koji je značajno uvećan i doprinosio je povećanju ukupnog uvoza sa (2,0 p.p.), zatim baznih metala 10,6% (1,0 p.p.), prehrambenih proizvoda 6,4% (0,7 p.p.), hemijskih proizvoda 5,9% (0,4 p.p.), te gotovih metalnih proizvoda 5,9% (0, p.p.) i dr. S druge strane, smanjenja su zabilježena prilikom uvoza kamenog uglja 56,7% (-1,0 p.p.), rafiniranih naftnih derivata 10,6% (-1,0 p.p.), tekstila 3,7% (-0,1 p.p.) i dr.

Ako se uvoz roba u Bosnu i Hercegovinu u periodu januar-maj 2025. godine posmatra po glavnim trgovinskim partnerima vidljivo je da najviše robe uvezeno sa tržišta zemalja EU u vrijednosti od preko 7,1 milijardi KM što predstavlja povećanje od 1,7% u odnosu na isti period prethodne godine. Uvoz roba iz zemalja CEFTA-e iznosio je skoro 1,5 milijardi KM što predstavlja povećanje od 14,5% u odnosu na isti period prethodne godine. Ako se robni uvoz u Bosnu i Hercegovinu u periodu januar-maj 2025. godini posmatra po zemljama vidljivo je da su najznačajnija povećanja istog zabilježena prilikom uvoza iz Hrvatske koji je uvećan za 45,7% uz doprinos rastu ukupnog uvoza roba od (2,9 p.p.), zatim Kine 18,4% (1,6 p.p.), Srbije 14,9% (1,4 p.p.), Austrije 4,4% (0,1 p.p.). S druge strane, najznačajnija smanjenja uvoza su registrirana prilikom uvoza iz Italije 14,2% (-1,9 p.p.), Njemačke 3,7% (-0,5 p.p.) i Slovenije 2,0% (-0,1 p.p.).

Ovakva kretanja izvoza i uvoza roba u periodu januar-maj 2025. godine rezultirala su vanjskotrgovinskim deficitom od skoro 5,2 milijarde KM, što predstavlja povećanje od 123 miliona KM odnosno 2,4% u poređenju sa istim periodom prethodne godine. Ako se posmatra struktura robnog deficita u Bosni i Hercegovini može se zaključiti da su rafinirani naftni proizvodi, motorna vozila, farmaceutski preparati i prehrambeni proizvodi najviše doprinosili povećanju deficita. S druge strane, namještaj, metalne konstrukcije i obuća su kategorije u okviru kojih Bosna i Hercegovina ostvaruje suficit. Ukupna pokrivenost uvoza izvozom u Bosni i Hercegovini u periodu januar-maj 2025. godine iznosila je 57,8%, pri čemu je pokrivenost sa zemljama EU iznosila 73,1% a sa zemljama CEFTA-e 80,6%.

Detaljniji prikaz vanjskotrgovinske robne razmjene u Bosni i Hercegovini u periodu januar-maj 2025. godine po HS klasifikaciji prikazan je u tabeli ispod.

Tabela 13: Vanjskotrgovinska robna razmjena u Bosni i Hercegovini u periodu januar-maj 2025. godine, HS klasifikacija

Izvozi uvoz dobara klasifikovanih prema harmonizovanom sistemu kodova (HS)		IZVOZ				UVOZ				DEFICIT				
		Jan-Maj 2024	Jan-Maj 2025	2025/2024 promjena %		Jan-Maj 2024	Jan-Maj 2025	2025/2024 promjena %		Jan-Maj 2024	Jan-Maj 2025	2025/2024 promjena %		Pokrivenost uvoza izvozom
		u mil KM	u mil KM	g/g	p-p	u mil KM	u mil KM	g/g	p-p	u mil KM	u mil KM	g/g	p-p	
	UKUPNO	6640	7067	6.4	6.4	11682	12229	4.7	4.7	-5042	-5162	2.4	2.4	57.8%
1	ŽIVOTINJE I PROIZVODI	90	96	6.0	0.1	397	396	-0.3	0.0	-307	-300	-2.1	-0.1	24.2%
2	BILJNOG MASTI I ULJA	84	79	-5.9	-0.1	468	529	13.1	0.5	-384	-450	17.3	1.3	15.0%
3	ŽIVOTINJSKOG PREHRAMBENE PRERAĐEVINE PROIZVODI	51	102	99.0	0.8	81	128	58.7	0.4	-29	-26	-11.6	-0.1	79.7%
4	MINERALNOG PROIZVODI	213	221	3.9	0.1	1057	1122	6.1	0.6	-844	-901	6.7	1.1	19.7%
5	HEMIJSKE PLASTIČNE	524	718	36.9	2.9	1494	1515	1.4	0.2	-970	-797	-17.8	-3.4	47.4%
6	MASE, GUMA I KOŽA I KRZNO	510	530	3.9	0.3	1060	1130	6.6	0.6	-550	-600	9.1	1.0	46.9%
7	DRVO I PROIZVODI OD CELULOZA, PAPIR I KARTON	331	341	2.9	0.1	751	784	4.4	0.3	-420	-443	5.6	0.5	43.5%
8	TEKSTILNI OBUČA, SESIRI, KAPE I SLIČNI PROIZVODI OD	34	41	22.0	0.1	104	99	-5.1	0.0	-70	-58	-18.1	-0.3	41.6%
9	KAMENA, GIPSA, BISERI, PLEMENITI BAZNI METALI I PROIZVODI OD MASINE,	385	383	-0.6	0.0	169	180	6.4	0.1	216	203	-6.2	0.3	212.6%
10	APARATI, TRANSPORTNA SREDSTVA I SATOVI, MJERNI, MUZIČKI I ORUŽJE I MUNICIJA, RAZNI	183	194	6.2	0.2	250	242	-3.3	-0.1	-67	-48	-29.2	-0.4	80.3%
11	PROIZVODI UMJETNIČKA DJELA,	354	324	-8.5	-0.5	680	682	0.3	0.0	-326	-358	9.8	0.6	47.4%
12	NERAZVRSTANO	318	299	-6.2	-0.3	165	180	8.8	0.1	153	119	-22.4	0.7	166.2%
13		97	100	3.2	0.0	230	242	5.1	0.1	-134	-142	6.5	0.2	41.2%
14		21	21	-1.9	0.0	29	29	-0.7	0.0	-8	-8	2.6	0.0	72.4%
15		1200	1530	27.5	5.0	1498	1634	9.1	1.2	-298	-105	-65.0	-3.8	93.6%
16		1183	1188	0.5	0.1	1801	1797	-0.2	0.0	-619	-609	-1.5	-0.2	66.1%
17		276	315	14.3	0.6	981	1022	4.2	0.4	-705	-707	0.2	0.0	30.8%
18		54	56	3.7	0.0	163	201	23.3	0.3	-109	-145	33.1	0.7	28.0%
19		153	224	46.7	1.1	12	15	22.5	0.0	141	210	48.8	-1.4	1525.9%
20		580	577	-0.5	0.0	285	298	4.7	0.1	295	279	-5.5	0.3	68.7%
21		0	0	0.0	0.0	405	0	-100.0	-3.5	-405	0	-100.0	-8.0	0.0%
98		0	0	0.0	0.0	0	0	0.0	0.0	0	0	0.0	0.0	0.0%

Izvor: BHAS

5. Strana direktna ulaganja

U vrijeme pisanja informacije nisu bili dostupni podaci o stranim direktnim ulaganjima za mjesec april i maj 2025. godine.

Prema posljednjim dostupnim podacima od strane CBBiH²³ SDU u Bosni i Hercegovini su u prvom kvartalu 2025. godine dostigla 440,0 mil. KM i bila su manja za 25,8% u odnosu na isti period u prošloj godini. Ukupne reinvestirane zarade u ovom periodu su dostigle 325,0 mil. KM

²³ BPM6_for_users_Q1_2015_Q1_2025_stan, neto finansijska pasiva

i bile su manje za 8,1% g/g. Time su povećale učešće u ukupnim SDU za 14,2 p.p. u odnosu na isti period u prošloj godini.

Tabela 14: Strana direktna ulaganja po kvartalima i ukupno u milionima KM

Godina	K1	K2	K3	K4	K1-K4
2022.	420,6	442,2	396,7	316,0	1.575,4
2023.	499,2	592,9	404,6	375,3	1.872,0
2024.	592,7	394,9	513,9	535,4	2.036,8
2025	440,0				

Izvor: CBBiH

Dana 2. avgusta 2024. agencije za ocjenu kreditnog rejtinga Standard & Poor's i Moody's Investors Service potvrdile su Bosni i Hercegovini suvereni kreditni rejting „B+ sa stabilnim izgledima“ i „B3 sa stabilnim izgledima“.

Na osnovu člana 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), člana 54. stava (1) tačke b) i člana 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je ***Informaciju o kretanju makroekonomskih pokazatelja u Bosni i Hercegovini za januar – maj 2025. godine.***

broj: _____ od _____. godine.

Broj: _____, _____. godina.
S a r a j e v o

M. P. Predsjedavajuća
Vijeća ministara Bosne i Hercegovine

Borjana Krišto

Na temelju članka 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), članka 54. stavka (1) točke b) i članka 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na _____. sjednici, održanoj _____ godine, donijelo je

ZAKLJUČAK

1. Vijeće ministara Bosne i Hercegovine usvojilo je ***Informaciju o kretanju makroekonomskih pokazatelja u Bosni i Hercegovini za siječanj – svibanj 2025. godine.***

broj: _____ od _____. godine.

Broj: _____, _____. godina.

S a r a j e v o

M. P.

Predsjedateljica
Vijeća ministara Bosne i Hercegovine

Borjana Krišto

На основу члана 17. Закона о Савјету министара Босне и Херцеговине („Службени гласник Босне и Херцеговине“, бр. 30/03, 42/03, 81/06, 94/07 и 24/08), члана 54. става (1) тачке б) и члана 56. Пословника о раду Савјета министара Босне и Херцеговине („Службени гласник БиХ“, број 22/03) Савјет министара Босне и Херцеговине на _____ сједници, одржаној _____ године, донио је
(број сједнице) (датум сједнице)

ЗАКЉУЧАК

1. Савјет министара Босне и Херцеговине усвојио је *Информацију о кретању макроекономских показатеља у Босни и Херцеговини за јануар – мај 2025. године.*
број: _____ од _____ године.

Број: _____, _____ година.
С а р а ј е в о

М. П. Предсједавајућа
Савјета министара Босне и Херцеговине

Борјана Кришто